

分門史志通典治原之書

十二

分門史志通典治原之書卷十四

天文門

天文

總叙 史志



史天官書 太史公曰自初生民以來世主曷嘗不曆日月星辰及至五家三代紹而明之內冠帶外夷狄分中國為十有二州仰觀象於天府法類於地天有日月地有陰陽天有五星地有五行天有列官地有州域二光者陰陽之精氣本在地而聖人統理之昔之傳天數者**高辛**之前重黎**唐虞**義和夏昆吾商巫咸周史佚長洪宋子韋**鄭裨竈**齊甘公楚唐昧趙尹臯魏石申夫天運二十歲一小變百年中變五百年大變三大變一紀三紀而大備此其大數也為國者必貴三五三十五歲小變五百年大變上下各千歲然後天人之際續備太史公推古天變以春秋二百四十二年日蝕二十六彗星三見宋襄公時星隕如雨天子微五伯代興更為主命秦楚吳越夷狄為強伯田氏篡齊三家分晉且並為戰國兵革更起臣主憂患其察機祥候星氣尤急

始皇之時彗星四見久者八十日長或竟天其後以兵滅六國張楚並興二十年間兵相駘藉不可勝數項羽救鉅鹿枉矢西流山東遂合從諸侯西屠咸陽漢之興五星聚東井平城之圍月暈參畢七重諸呂作亂日蝕晝晦吳楚七國叛逆彗星數文天狗過梁野元光元狩蚩尤之旗再見長則半天其後京師師四出誅夷狄者數十年而伐胡尤甚越之亡熒惑守斗朝鮮之拔星茀于河戒兵征大宛星茀招搖此其熒熒大者若至小變不可勝道漢之為天數者星則唐都氣則王朔占歲則魏解五星者天之五佐為經緯見伏有時所過行贏縮有度日變脩德月變省刑星變結和凡天變過度乃占國君強大有德者昌弱小飾詐者亡太上修德其次修政其次修教其次修穰正下無之終始古今深觀時變察其精粗則天官備矣

前漢天文志 凡天文在圖籍昭昭可知者經星常宿中外官凡百一十八名積數七百八十三星皆有州國宮物類之象其伏見早晚邪正存亡虛實闊狹及五星所行合散犯守陵歷闕食彗孛飛流日月薄食暈適背宄抱珥虹蜺迅雷風杖恠雲變氣此皆陰陽之精其本

在地而上發于夫政失於此則變見于彼猶影之象形響之應聲明君觀之而寤飭身正事思其各謝則禍除而福至自然之符也

後漢天文志易曰天垂象聖人則之**尚書**之王天下仰觀象於天謂日月星辰俯觀法於地謂水土州分形成于下象見于上故曰天者北辰星天口元垂耀建帝形運機授度張百精二階九列二十七大夫八十一元士斗衡太微攝提之屬百二十七官二十八宿各布列下應十二子天地設位星辰之象備矣

晉天文志昔在**尚書**觀象察法以通神明之德以類天地之情可以藏往知來開物成務故政教兆於人理祥變應乎天文得失雖微罔不昭著**二皇**邁德七曜順軌日月無薄蝕之變星辰靡錯亂之妖**帝**創受河圖星傳尚存**尚書**乃命重黎**帝**學式序三辰**唐虞**則羲和繼軌**自夏**則昆吾紹德**商**之巫咸周之史佚其諸侯之史官有梓氏**晉**有上偃鄭有裨竈宋有子章齊有甘德楚有唐昧趙有尹皋魏有石申皆掌天文各論圖驗**秦**燔六經天官星占存而不毀及漢景武之際司馬談父子繼為史官著天官書以明天人之道劉向廣洪範

災條作皇極論以參往之行事班固叙漢史馬續述天文蔡邕譙周各有撰錄司馬彪採之以繼前志今詳眾說以著于篇

隋天文志法紫微以居中擬明堂而布政依分野而命國體眾星而效官故能成變化之道合陰陽之妙**尚書**仰觀俯察謂以天之七曜二十八星周於穹圓之度以麗十二位在天成象示見吉凶五緯入房啓姬王之肇跡長星孛斗鑿宋人之首亂天意人事同乎影響漢之傳天文者有唐都李尋**光武**時有蘇伯况即雅光並能參伍天文發揚言道後張衡為太史令鑄渾天儀摠序經星謂之靈憲所鑄之圖遇亂堙滅**三國時**吳太史令陳卓始列廿氏石氏巫咸三家星官著於圖錄宋元嘉中太史令錢樂所鑄渾天銅儀以朱黑白三色用殊二家而合陳卓之數**高祖**平陳得善天官者周墳并得宋氏渾儀之器乃命庾季才等參校周**齊**梁陳及祖暅孫僧化官新舊圖刊其大小正彼疎密依準三家星位以為蓋圖天漢昭回宛若穹蒼將為正範以墳為太史令自此太史觀臺始識天官**湯帝**又遣宮人四十八人就太史局別詔表充教以星氣業成者進內以參占驗之史臣於

觀臺訪渾儀見元魏太史令晁崇所造者以鐵爲之其規有六其外四規常定其內二規可以運轉用合八尺之管以窺星圖周武帝平齊所得隋開皇二年新都所成以置諸觀臺之上大略因而用焉

唐天文志昔堯命羲和考星中以正四時至堯則璿璣玉衡以齊七政古者天人之際推候占測爲術猶簡至於後世其法漸密必積衆人之智然後能極其精微自三代以來詳矣詩人所記婚禮土功必

候天星春秋書日食星變傳載諸國所占次舍伏見逆順至於周禮測景求中分星辨國妖祥察候皆可推考而獨璣璣衡豈其不用於

三代邪抑法制不可復得邪不然二物莫知其爲何器也至漢表測景畧以正地中分列境界上當星次皆略依古而又作儀以候天地

至星經歷法皆出數術之學唐興太史李淳風浮圖一行尤稱精博後世未能過也故採其要說以著于篇

五代司天志昔孔子作春秋而天人備予述本紀書人而不書天其

文雖異其意一也自堯舜三代以來莫不稱天以舉事孔子刪詩書

不去也蓋聖人不絕天於人亦不以天參人絕天於人則天道廢以

天參人則人事惑春秋書日食星變孔子未嘗道其所以然故弟子

之徒莫述然則天果與於人乎果不與乎以其與人無所異也則修

吾人事而已未有人心悅於下而天意怒於下者未有人理逆於下

而天道順於上者土者君天下子生民布德行政以順人心是謂奉

天至於三辰五星常動而不息不能無盈縮差忒之變而占之有中

有不中不可以爲常者有司之事也本紀所述人君行事詳矣其興

亡治亂可以見至於三辰五星逆順變見有司之所占者故以其官

誌之以備司天之所考嗚呼聖人既沒而異端起自秦漢以來學者惑於災異天文五行之說不勝其繁予之所述不得不異乎春秋也考者可以知焉五代亂世文字不全史官所記亦有詳略其日月五星之變太者如此至於氣侵之象出沒銷散不常尤難占據五代之際日有冠珥環暈纓紐負抱戴履背氣十日之中常七八其繁不可勝書而背氣尤多天福八年正月丙戌黃霧四塞九年正月乙未大霧中二白虹相偶四月庚戌大霧中有蒼白二虹廣順元年十一月甲子白虹竟天此其尤異者也至於吳火山出楊林江水中閩天雨豆

之類皆非中國耳目所及者不可得而悉書矣

史志 總論周天列宿度數

史記天官書論中宮極星

太一紫宮北斗七星

中宮天極星其一明者

太一常居也旁三星三公或曰子屬後句四星末大星正妃餘二星後宮之屬也環之正衛十二星藩臣皆曰紫宮北斗七星所謂璇璣玉衡以齊七政杓攜龍角衡殷南斗魁枕參首用昏建者杓杓自華以西南夜半建者衡衡殷中州河濟之間平旦建者魁魁海岱以東北也斗為帝車運于中央臨制四鄉分陰陽建四時均五行移節度定諸紀皆繫於北斗魁正六星曰文昌宮一曰上將二曰次將三曰貴相四曰司命五曰司中六曰司祿在斗魁中貴人之牢魁下六星兩兩相比者名曰三能二能色齊君臣和不齊為乖戾

論四宮星 蒼龍朱鳥咸池元武東宮蒼龍房心為明堂房為天府左角理右角將大角者天王帝坐其兩旁有二星鼎足句之曰攝提直斗杓所指以建時節故曰攝提格元為宗廟氏為天根尾為九子箕為教客

論五宮星 朱鳥權衡衡太微三光之廷內五星五帝坐後十五星曰辰鳥郎位東井為水輿鬼白者為質

柳為鳥喙七星頭為圓宮張嗥為厨主觴客翼為羽翮主遠客軫為車

主風 西宮咸池曰天五潢五潢五帝車坐奎曰封禪為溝瀆婁為聚

眾胃為天倉箕南眾星曰庚積昴曰旄頭畢曰罕車昂畢間為天街參為白虎三星直者為衡石觜觿為虎首狼比地為大星曰南極老人老

人見治安不見兵起常以秋分時候之于南郊 北宮元武虛危危為蓋

屋虛為哭泣之事營室為清朝曰離宮閣道漢中四星天駟旁一星曰

王梁王梁策馬車騎滿野南斗為朝牽牛為犧牲婺女其北織女天女

孫也 史天官書

前漢天文志論日月行道

日有中道月有九行

日有中道月有九行中

道者黃道一曰光道光道北至東井去北極近南至牽牛去北極遠東至角西至婁去極中夏至至於東井北近極故晷短立八尺之表而晷景長尺五寸八分冬至至於牽牛遠極故晷長立八尺之表而晷景長丈三尺一寸四分春秋分日至婁角去極中而晷中立八尺之表而晷景長七尺二寸六分此日去極遠近之差晷景長短之制也去極遠近難知要以晷景晷景者所以知日之南北也日陽也陽用事則日進而

北晝進而長陽勝故為溫暑陰用事則日退而南晝退而短陰勝故為涼寒也故日進為暑退為寒若日之南北失節晷過而長為常寒退而短為常燠此寒燠之表也故曰為寒暑月有九行者黑道二出黃道北赤道二出黃道南白道二出黃道西青道二出黃道東凡君行急則日行疾君行緩則日行遲日行不可指而知也故以二至二分之星為候日東行星西轉冬至昏奎八度中夏至氏十二度中春分柳一度中秋分牽牛二度七分中此其正行也日行疾則星西轉疾事執然也故過中則疾君行急之感也不及中則遲君行緩急之象也

後漢天文志

論天之里數

天地至天里數遠近

天有九位地有九域天

有三辰地有三形有象可效有形可度八極之維徑二億三萬二千三百里南北則短減千里東西則廣增千里自地至天半於八極

考靈曜論云一度二千九百三十二里千四百六十一分里之三三百四十八周百七方一千里者是天圓周之里數也以圓徑一言之則直徑三十五方七千里此為二十八宿周迴直徑之數也然二十八宿之外上下東西各有方五千里是為四遊之極謂之四表據四表之內并星宿內總有三十八方七千里然則天之中央上下並半之處則一十九方二千五百里地在於中是地去之數也鄭注考靈曜云地蓋厚二萬里
論天之星數 張衡論靈憲星辰數星也者躋生於地精成於天在野

公九一

告五

一

象物在朝象官在人象事於是備矣垂象著明莫大乎日月日者陽精之宗積而成鳥象鳥而有二趾陽之類其數奇月者陰精之宗積而成獸象兔陰之類其數耦眾星列布其以神者有五列焉是為二十五名一居中央謂之北斗四布於方為二十八宿日月運行歷示吉凶五緯經次用告禍福則天心於是見矣中外之宮常明者百有一十四可名者三百二十為星二千五百而海人之占未存焉微星之數蓋方一千五百二十廢物蚕蚕咸得繫命後漢天文志凡天有十二次日月之所躔也地有十二分王侯之所國也故四方方七宿四七二十八宿合一百八十二星東方蒼龍三十二星七十五度北方玄武三十五星九十八度四分度之一西方白虎五十一星八十度南方朱雀六十四星百一十二度周天三百六十五度四分度之一一度二千九百三十二里分為十二次一次三十度三十二分度之十四各以附其七宿間距周天積百七方九百一十三里徑三十五方六十九百七十一里陽道左行故大歲右轉凡中外宮常明者百二十四可名者三百二十合二千五百星微星之數凡方一千五百二十星方物所受咸係命焉後漢天文志

蓋天宣夜渾天之考 古言天者有三家 一曰蓋

天 二曰宣夜 三曰渾天 漢靈帝時蔡邕上書言宣夜之考絕無師法周
髀術數具存考驗天狀多所違失惟渾天近得其情今史官候臺所用
銅儀則其法也立八尺負躰而具天地之形以正黃道占察發斂以行
日月以步五緯精微深妙百代不易之道也官有其器而無本書則志
亦闕蔡邕所謂周髀者即蓋天之說也其本 周髀氏立周天歷度其所
傳則周公受於 殷 商 周 人志之故曰周髀 二 服也服者表也其言天似
蓋笠地法覆槃天地各中高外下北極之下為天地之中其地最高而
滂沱四隕三光隱映以為晝夜又周髀家云天負如張蓋地方如碁局
天旁轉如推磨而左行日月右行隨天左轉之二月實東行而天牽之
以西沒譬之於蟻行磨石之上磨左旋而蟻右去磨疾而蟻遲故不得
不隨磨而左迴焉天形南高而北下日出高故見日入下故不見天之
居如倚蓋故極在人北是其證也極在天之中而今在人北所以知天
之形如倚蓋也日朝出陽中暮入陰中陰氣暗冥故沒不見也夏時陽
氣多陰氣少陽氣光明与日同輝故日出即見无蔽之者故夏日長也

晉書

冬天陰氣多陽氣少陰氣暗冥掩日之光雖出猶隱不見故冬日短也
宣夜之書云惟 漢 祕書郎郝萌記先師相傳云天了无質仰而瞻之高
遠无極眼瞽精絕故蒼蒼 然也譬之旁遠道之黃山而皆青俯察千仞
之深谷而窈黑夫青非真色而黑非有躰也日月衆星自然浮生虛空
之中其行其止皆須氣焉是以七曜或逝或住或順或逆伏見无常進
退不同由乎无所根繫故各異也故辰極常居其所而北斗不与衆星
西沒也攝提填星皆東行日行一度月行十三度遲疾任情其无所係
者可知矣若綴附天躰不得尔也 咸康中虞喜因宣夜之說作安
天論天確乎在上有常安之形地嵬焉在下有丘靜之躰當相覆冒方
則俱方負則俱負不同之義也其光耀布列各自運行猶江海之有潮
液万品之有行藏也葛洪聞而譏之曰苟辰宿不麗於天天為无用便
可言无何必復云有之而不動乎由此而談稚川可謂知言之選也虞
喜又立穹天論云天形穹窿如雞子幕其際周接四海之表浮于元氣
之上譬如覆之以抑水而不沒者氣充其中故也吳太常姚信造昕天
論云人為靈蟲形最似天今人顧前多臨曾而項不能覆背近取諸身

故知天之躔南低入地北則偏高又冬至極低而天運近南故日去人遠而斗去人近北天氣至故水寒也夏至極起而天運近北而斗去人遠日去人近南天氣至故蒸熱也極之立時日行地中淺故夜短天去地高故晝長也極之低時日行地中深故夜長天去地下淺故晝短也自虞喜虞從其好奇徇異之說非極數談天者也至於論天理妙學者多疑漢王仲任據蓋天之說以駁渾儀云舊說天轉從地下過今掘地一丈輒有水天何得從水中行乎甚不然也日隨天而轉非入地夫人目所望不過十里天地合矣實非合也遠使然耳今視日入非入也亦遠耳當日入西方之時其下之人亦將謂之為中也四方之時其下之人亦將謂之為中也四方之人各以其近者為出遠者為入矣何以明之今試使一人把火炬火夜行於平地去人十里火光滅矣非滅也遠使然耳今日西轉不復見是火滅之類也日月不負也望視之所以負者去人遠也夫日火之精也月水之精也水火在地不負在天何故負葛洪釋之曰渾天儀注云天如雞子地如雞中黃孤居於天內天大而地小天表裏有水夫地各乘氣而立載水而行周天三百六十五度四分度之一又中分之則半覆地上半繞地下故二十八宿半見半隱天轉如車轂之運也故黃帝書曰天在地外水在天外水浮天而載地者也又易曰時乘六龍夫陽文稱龍龍者居水之物以喻天天陽物也又出入水中與龍相似故以龍比也聖人仰觀俯察審其如此故晉卦坤下離上以證日出於地也又明夷之卦離下坤上以證日入於地也需卦乾下坎上此亦天入水中之象也天為金金水相生之物也天出入水中當有何損而謂為不可乎故巨君山曰春分日出卯入酉此乃人之卯酉天之卯酉常值斗極為天中今視之乃在北不正在人上而春秋分時日出入乃在斗極之南若如磨石轉則北方道遠而南方道近晝夜漏刻之數不應等也晉天文志

漢天文志 論天之星數

三家星官著於圖錄

三國時吳

太史令陳卓始

列其氏石氏巫咸三家星官著於圖錄并注占替摠二百五十四官一千二百八十三星并二十八宿及輔官輔座一百八十二星摠二百八十三官一千五百六十五星隋志

唐天文志 論六家之說

六家之說迭為矛盾

原古人所以步圭影之意

將以節宣和氣輔相物且不在於辰次之周徑其所以重曆數之意將欲恭授人時欽若乾象不在於渾蓋之是非若乃述無稽之法於視聽之所不及則君子當闕疑而不議也而或者各封所傳之器以術天躰謂渾元可任數而測大象可運筭而闕終以六家之說迭為矛盾誠以為蓋天邪則南方之度漸狹果以為渾天邪則北方之極寔高此二者又渾蓋之家尺智畢議未能有以通其說也則王仲任葛雍川之徒區區於異同之辨何益人倫之化哉凡晷差冬夏不同南北亦與先儒一以里數齊之遂失其實今更為覆矩圖南自丹穴北暨幽都每極移一度輒累其差可以稽日食之多少定晝夜之長短而天下之晷皆協其數矣論星之差諸儒不知交通之數近代諸儒言星土者或以州或以國虞夏秦漢郡國廢置不同之與也王畿千里及其衰也僅得河南七縣今又天下大統而直以鶉火為周分則疆場舛矣七國之初天下地形雖韓而旌魏皆縣巨數州相錯如繡考雲漢山河之象多者或至十餘宿其後魏徙大梁則西河合於東井秦拔宜陽而上黨入於輿鬼方戰國未滅時星家之言屢有明教今則同在畿甸之中矣而或者

猶據漢書地理志推之是守甘石遺術而不知交通之數也唐志分類凡二十九條攷論

義和璣衡

渾天儀者義和舊也

史志春秋文曜鉤云堯即位義和立渾儀此則儀象之設其來遠矣考靈曜云觀不儀之遊鄭康成謂以玉為渾天儀也天官書案虞書

在璣璣玉衡以齊七政則考靈曜所謂觀玉儀之遊昏明主時乃命中星者也璣璣中而星末中為急急則日過其度月不及其宿璣璣未中而星中為舒舒則日不及其度月過其宿璣璣中而星中為調調則風雨時度草蕃蕪而五穀登万事康也所謂璣璣者謂渾天儀也故春秋文耀鉤云唐書即位義和立渾儀而先儒或因星官書北斗第二星名璣第三星名璣第五星名玉衡仍七政之言即以為北斗七星載筆之官矣之或辨史近班固猶且致疑焉李長剗謂璣衡為渾天儀鄭元亦云其轉運者為璣其持正者為衡皆以玉為之七政者日月五星也以璣衡視其行度以觀天意也故王蕃云渾天儀者義和之舊器積代相傳謂之璣衡其為用也以祭三光以分宿度者也隋書初李淳

可謂奇巧然斯二者以考於天蓋密矣又云古舊渾象以二分為一度周七尺三寸半而莫知何代所造今案虞喜云落下闔為渾象於地中轉渾天定時節作泰初曆或其所製也

賈逵黃道銅儀 下闔圓儀又加黃道

史志 落下闔造圓儀至 **和帝** 時賈逵繼作又加黃道 **漢孝和帝時**

太史揆候皆以赤道儀與天度頗有進退以問典星姚崇等皆曰星圖有規法日月實從黃道官無其器永元十五年詔賈逵乃始造黃道銅儀

王蕃制渾儀 傳乾象歷而制渾儀

史志 吳時王蕃善數術傳劉洪乾象歷依其法而制渾儀又論考度曰天地之躔周旋無端其形渾渾然故曰渾天

葛衡改作渾天 地在天中天動地止

史志 吳時又有葛衡明達天官能為機巧改作渾天使地盡于天中以機動之天動而地止以上應晷度則錢樂之之所放述也元嘉十七年葛衡又作小渾天二分為一度

錢樂之銅儀象 參用渾儀渾象二法

史志 宋文帝以元嘉十三年詔太史更造渾儀太史以錢樂之依案舊說采效儀象鑄銅為之五分為一度上為杠軸以象天運昏明中星與天相符至如斯制以為渾儀儀則內闕衡管以為渾象而地不在外是參兩法別為一躔 **未置於文德殿前**

孔挺銅儀 略率天狀不綴經星

史志 劉華朴重雲殿前所置銅儀於其鑄題是偽劉曜光初六年史官丞孔挺所造則古渾儀之法者也而何承天著宋史以為即張衡所造其儀略舉天狀而不綴經星七曜沈約著宋史亦云然皆失之遠矣

晁崇景詢渾儀 以候天時合如符契

史志 後魏道武天興初命太史令晁崇脩渾儀以觀星象 渾儀不假人力以水轉之旋於閣室中外候天時合如符契

庾季才正宋渾儀 赤黃二道內外兩規

史志 平陳得宋渾儀器命庾季才等參正始分甄表常度并具赤黃二道內外兩規垂象躔離星漢元若空若若將為正範

永興靈臺鐵儀 斛蘭所作其制用鐵

史志後魏明元永興四年詔造太史候部鐵儀以為渾天法考玑璣之正其銘曰於皇天伐配天比祚爰造茲器考正宿度貽法後葉永垂典教其制並以銅鐵為誌星度以銀錯之其餘與劉曜儀大同今太史候臺所用也隋書天文志一行曰靈臺鐵儀後魏斛蘭所作規制

李淳風六合三辰四游儀

更製三儀加以黃道

史志正觀初李淳風上言在璿璣玉衡則渾天儀也漢洛下閎賈逵張衡亦各有之而推驗七曜並循赤道按冬至極南夏至極北而赤道常定於中國無南北之異蓋渾天無黃道久矣異其說因詔為之至七年儀成表裏三重下據準基狀如十字立鼉足以張四表一曰六合儀有天經雙規金渾緯規金常規相法於四極之內列二十八宿十日十二辰經緯三百六十五度二曰三辰儀有璿璣規月游規列宿距度七曜所行轉於六合之內三曰四游儀元樞為軸以連結玉衡游筭而貫約短規仰以觀天之辰宿下以識器之晷度皆用銅帝置於凝暉閣用之測候閣在禁中其後遂亡唐天文志一行曰李淳風黃道儀法頗難述遂寢廢

一行黃道游儀

黃道運行動合天運

史志開元九年一行受詔改治新曆欲知黃道進退而太史無黃道儀梁令瓚以木為游儀一行是之請更鑄以銅鐵十一年儀成一行曰臣更造游儀使黃道運行動合天運簡而易從可以制器垂象永傳不朽於是元宗嘉之自為之銘其黃道游儀以古尺四分為度古所謂旋儀也其赤道帶天之中以分列宿之度黃道斜運以明日月之行乃立八節九限校二道差數著之曆經唐天文志

一行渾天銅儀

注水激輪令其自轉

史志元宗又詔一行與令瓚等更鑄渾天銅儀圓天之象具列宿赤道及周天度數注水激輪令其自轉一晝夜而天運周外絡二輪綴以日月令得運行每天西旋一周日東行一度月行十二度十九分度之七二十九轉有餘而日月會二百六十五轉而日周天以木櫃為地平令儀半在地下晦明朔望遲速有準置於武成殿前以示百官無幾而銅鐵漸澁不能自轉遂藏於集賢院

天文官

五帝三代列國秦漢

史志 三皇邁德七曜順軌日月無薄蝕之變星辰彗錯亂之妖黃帝創受河圖始明休咎故其星傳尚有存焉降在**高陽**乃命南正重司天北正黎司地爰暨**帝嚳**亦式序三辰**唐虞**則義和繼軌**夏商**則昆吾紹德年代絲邈文籍靡傳至于**商**之巫咸**周**之史佚格言遺記于今不朽文志云史佚長共其諸侯之史則魯有梓謹晉有上偃鄭有裨龜宋有子章齊有甘德楚有唐昧趙有尹臯魏有石申夫皆掌著天文各論圖驗其巫咸甘石之說後代所宗暴秦燔書六經殘滅天官星占存而不毀及漢景武之際司馬談父子繼為史官著天官書以明天人之道劉向廣鴻範災條作皇極論以參往之行事及班固叙漢史馬遷述天文而蔡邕譙周各有撰錄司馬彪採之以繼前志言天文志

二十八舍

四方經宿所主之事

史志 東方角一星為天關其間天門也其內天庭也故黃道經其中七曜之所行也左角為天田為理主刑其南為太陽道右角為將主兵其北為太陰道蓋天之三門猶房之四表其星明大王道太平賢者在朝元四星天子之內朝也摠攝天下奏事聽訟理獄錄功者也氏四星王者之宿宮后妃之府房四星為明堂天子布政之宮也亦四輔也中間為天衢為天關黃道之所經也南間曰陽環其南曰太陽北間曰陰間其北曰太陰七曜由乎天衢則天下和平亦曰天駟為天馬主車駕心三星天王正位也中星曰明堂天子位為大辰主天下之賞罰尾九星後宮之場妃后之府尾亦為九子星色欲均明大小相承則後宮有叙多子孫箕四星亦后官妃后之府主八風凡日月宿在箕東壁翼軫者風起 北方斗六星天廟也牽牛六星天之閔梁主犧牲事須女四星天少府也須賤妾之稱婦職之卑者也主布帛裁製嫁娶虛二星冢宰之官也主北方邑居廟堂祭祀祝禱事危二星主天府天市架屋營室二星主丁之官也又為軍糧之府及土功事東壁二星主文章天下圖書之秘府也 西方奎十六星天之武庫也主以兵禁暴戾二星為天獄主苑牧犧牲供給郊祀胃三星天之厨藏主倉廩五穀府也昂七星天之耳也主西方主獄事又為旄頭胡星也昂畢間為天街天子出旄頭罕畢以前驅此其義也黃道之所經也畢八星主邊兵主弋獵月入畢多雨觜觥三星為三軍之候行軍之藏府葆旅收斂萬物明則軍儲

盈將得勢參十星白獸之軀其中三星橫列三將也 南方東井八星
天之南門黃道所經天之亭候主水衡事法令所取平也王者用法平
則井星明而端列月宿井有風雨與鬼五星天目也主視明察奸謀柳
八星天之尉宰也主尚食和滋味七星七星主衣裳文綉張六星主珍
寶宗廟所用及衣服又主天厨飲食賞賚之事星明則王者行五禮得
天之中翼二十二星天之樂府又主夷狄遠客負海之賓星明大禮樂
興四夷賓動則亦夷使來軫四星主冢宰輔臣也 **晉天文志**

二十八宿分野

十二次度數附

費直燕邑度數各異

史志角元氏兗州房心豫州尾箕幽州斗江湖牽牛婺女揚州虛危青
州營室至東壁并州奎婁胃徐州昴畢冀州觜騰參益州東井輿鬼雍
州柳七星張三河翼軫荊州 **魏書**班固取三統曆十二次配十
二野其言最詳又有費直說周易蔡邕月令章句所言頗有先後 **魏太**
史令陳卓更言郡國所入宿度今附而次之自軫十二度至氏四度為
壽星於辰在辰鄭之分野屬兗州 費直周易分野壽星起軫十二度自心
五度至尾九度為大火於辰在卯宋之分野屬豫州 費直定氏十一度
自尾十度至南斗十一度為析木於辰在寅燕之分野屬幽州 費直起

自南斗十二度至須女七度為星紀於辰在丑吳越之分野屬
揚州 費直起斗十度 自須女八度至危十五度為玄枵於辰在子齊之
分野屬青州 費直起危八度 自危十六度至奎四度為諏於辰在亥衛
之分野屬并州 費直起危十四度 自奎五度至胃六度為降婁於辰在
戌魯之分野屬徐州 費直起奎二度 自胃七度至畢十一度為大梁於
辰在酉趙之分野屬冀州 費直起胃一度 自畢十二度至東井十五度
為實沈於辰在申魏之分野屬益州 費直起畢九度 自東井十六度至
柳八度為鶉首於辰在未秦之分野屬雍州 費直起井十一度 自柳九
度至張十六度為鶉火於辰在午周之分野屬三河 費直起柳五度 自
張十七度至軫十一度為鶉尾於辰在巳楚之分野屬荊州 費直起張

二十八宿度數

四方無星不易之度

史志東七十五度 角十二元九氏十五房五心五尾十八箕十一
北九十八度 斗二十六牛八女十二虛十危十七營室十六壁九

十一度

晉天文志

西八十度 奎十六度 胃十四度 昂十一度 畢十六度 觜二度 參九度 南百一十一度 井三十三度 鬼四度 柳十五度 七張十八度 翼十八度 軫十七度

斗九星分野 北斗九星所主九州

史志 星經曰王衡第一星主徐州 二星主益州 三星主興州 四星主荆州 五星主兗州 六星主揚州 七星主豫州 八星主幽州 九星主并州

五星分野 所主五嶽九州之分

史志 星經曰感星主泰山 徐州青州兗州 感星主霍山 揚州荊州交州 鎮星主嵩山 豫州太白山主華陰山 涼州雍州益州 辰星主常山 興州幽州并州

甲子分野 所主山河列國之分

史志 甲乙海外日月不占 丙丁江淮海代 戊己中州河濟 庚辛華山以西 壬癸常山以北 甲齊乙東夷丙楚丁南夷 戊魏己韓庚秦辛西夷 壬燕趙癸北夷 子周丑翟寅趙卯鄭辰邯鄲巳衛午秦未申申齊酉魯戌吳越亥燕代

南北兩戒 分天下山河為兩戒

史志 唐正觀中李淳風撰法象志因漢書十二次度數以唐之州縣配焉 一行以為天下山河之象存乎兩戒 北戒自二危積石負終南地絡之陰東及太華逾河並雷首底柱王屋太行北抵常山之右乃東循塞至獫狍朝鮮是謂北紀所以限戎狄也 南戒自岷山嶓冢負地絡之陽東及太華連商山熊耳外方桐柏自上洛南逾江漢攜武當荆山至衡陽乃東循嶺徼達東甌閩中是謂南紀所以限蠻夷也 中國地絡在南北河之間首自西傾極于陪尾故星傳謂北戒為胡門南戒為越門河源自北紀之首與涇渭濟瀆相為表裏謂之北河江源自南紀之首與漢水淮瀆相為表裏謂之南河觀兩河之象察唐漢之始終而分野可知

諸國候占 列國所占經宿緯星

史志 秦之疆候太白占狼孤吳楚之疆候熒惑占鳥衡燕齊之疆候辰星占虛危宋鄭之疆候歲星占房心晉之疆候填星占參罰

歲星所居 歲陰歲星居十二次

史志 歲星盈縮以其舍命國所在國不可伐可以伐人攝提格歲歲陰

左行在寅歲星右轉在卯單闕歲歲陰在卯星居子執徐歲歲陰在辰
星居亥太荒落歲歲陰在巳星居戌斯胖歲歲陰在午星居酉叶洽歲
歲陰在未星居申涖灘歲歲陰在申星居未作鄂歲歲陰在酉星居午
闕茂歲歲陰在戌星居巳大淵獻歲歲陰在亥星居辰困躬歲歲陰在
子星居卯赤奮若歲歲陰在丑星居寅又太歲所在金穰水毀木飢火
旱此其大經也

史記

北斗 魁為璇璣杓為玉衡

史志 靈憲云眾星列布其以神著有五列焉是為三十五名一居中央

謂之北斗動變擬占實司王命

後天文志注 今陛下之有尚書禮天

下後苦斗齒酌元氣運平四時尚書出納玉命賦政四海後李固傳 北斗七星輔一星在太微北七政之

樞機陰陽之元本也故運乎天中而臨制四方以建四時而均五行也

魁四星為璇璣杓二星為王衡一居中央謂之北斗斗為入君之象號

令之主也又為帝車取乎運動之義也又魁第一星曰天樞樞為天石

氏云第一曰正星主陽德天子之象也又云一主天又曰一主秦

曰璇璣為地石氏云二曰法星主陰刑女主之位也又云二主地又曰二

主楚

曰璣璣為人石氏云三曰令星主禍害也又云三主火又曰三

主梁

曰權權為時石氏云四曰伐星主天理伐無道又云四主水又

云曰四主吳自一至四為魁

五曰玉衡玉衡為音石氏云五曰殺星主

中央助四旁殺有罪又云五主土又曰五主燕

為律石氏云六曰危星主天倉五穀又云六主木又曰六主趙

七曰搖光搖光為星石氏云七曰部星亦曰應星主兵又云七主金又

曰七主齊自五至七為杓輔星傳乎開陽所以佐斗成功也又曰主危

正矯不平又曰丞相之象也七政星明則其國昌不明則國殃斗旁欲

多星則安斗中少星則人恐上天下多訟法者輔星明而斗不明臣疆

主弱斗明輔不明主疆臣弱也杓南三星及魁第一星皆曰三公主宣

德化調七政和陰陽之官也

五星 所主五方五常五事

史志 歲星東方木主春日甲乙義失者罰出歲星歲星所在國不可伐

可以伐人熒惑南方火主夏日丙丁禮失罰出熒惑熒惑失行出則有

兵入則兵散填星之位曰中央土主季夏日戊己其所居國吉其居久

其國福厚太白西方秋日庚辛司兵主殺殺失者罰出太白太白失行
出則兵出入則兵入辰星之位曰北方太陰之精冬日壬癸主刑失
者罰出辰星一時不出其時不和四時不出天下大飢與天官書歲星
曰東方春木於人五常仁也五事貌也仁虧貌失逆春令傷木氣罰見
歲星熒惑曰南方夏火禮也視也禮虧視失逆夏令傷火氣罰見熒惑
太白曰西方秋金義也言也義虧言失逆秋令傷金氣罰見太白辰星
曰北方冬水知也聽也知虧聽失逆冬令傷水氣罰見辰星填星曰中
史季夏土信也思心也仁義禮智以信為主貌言視聽以心為主故四
星皆失填星廼為之動前天文志五星同色天下偃兵百姓安歌舞
以行不見災疾五穀蕃昌同上凡五星所出所行所直之辰其國為得
位得位者歲星以德熒惑有禮填星有福太白兵彊辰星陰陽和續文

土圭測景 以正日星以求地中

史志 大司徒以土圭之法測土深正日景以求地中曰南則景短多暑
日北則景長多寒日東則景夕多風日西則景朝多陰日至之景尺有
五寸謂之地中天地所合四時所交風雨所會陰陽所和周公測景景
於陽城以參考曆紀先儒皆云夏至立八尺表於陽城其影與土圭等

案尚書考靈曜稱曰永景尺五寸日短景尺三寸復漢四分曆謂景初

曆宋元嘉曆大明祖中之曆皆與考靈曜同漢魏及宋所都皆別四家
曆法候景則齊且緯候所陳恐難依據劉向二分之景直以率推或地

域不改而分寸參差或南北殊方而長短惟一蓋術士未能精驗所以
致乖也天監中祖暅造八尺銅表揆測日晷求其盈縮大同十年虞

劼又用九尺表格江左之景及晉祖暅踐極張胃元言日長之瑞表充表
曰太平日行上道升平日行次道伯代日行下道大隋啓運上感日長

振古希有上臨朝謂百官曰景長之慶天之祐也今太子新立宜取日
長之意改年為仁壽元年百工作役並相程課案月徐疾盈縮無常充

等以為祥瑞太為議者所貶隋天文志大司徒以土圭之法測土深日
至之景尺有五寸謂之地中鄭氏以為日景於地千里而差一寸尺有

五寸者南戴日下萬五千里地與星辰四游升降於三萬里內是以半之
得地中今潁川陽城是也唐志

晝夜刻漏 黃帝始製表以分晝夜

史志 **黃帝**創漏水制器以分晝夜周禮挈壺氏其職也其法以百刻分晝夜冬至晝四十刻夜六十刻夏至晝六十刻夜四十刻春秋二分晝夜各五十刻 **漢**劉向洪範傳記 **武帝**時所用法冬夏二至之間一百八十餘日晝夜差二十刻大率二至之後九月增損一刻 **東** **帝**改用晝夜為百二十刻 **光武**初亦以百刻九日相減法編於甲令至 **和** **帝**永元十四年霍融上言官曆率九日增減一刻不與天相應或時差至一刻卒不如夏曆漏刻隨日南北為長短乃詔用夏曆漏刻依日行黃道去極每差二度四分為增減一刻凡用四十八箭終魏晉不改 **宋**何承天造漏法春秋二分昏且晝夜漏各五十五刻齊梁不改天監六年 **武帝**以晝夜百刻分配十二辰辰得八刻仍有餘分乃有晝夜為九十六刻一辰有全八刻大同十年又改用一百八十刻 **陳**文帝命朱史造漏依古百刻為法 **隋**用周朝馬顯所造漏經至大業初耿詢作古欽器以漏水注之稱水漏器以充行從又造馬上漏刻以從行辨時刻此測天地正儀象之本也晷漏以華今古大殊故列其差以補前闕 **隋** **文帝** **志**

諸儒攷論 論渾儀非張衡所造

虞 **帝** **三**渾儀之制其法得自 **虞** **舜**以璿璣玉衡以齊七政鄭康成曰其轉運者為璣其止息者為衡皆玉為之七政者日月五星也則渾儀之本法 **晉**侍中劉智云 **漢** **帝**造渾儀 **黃** **帝**為蓋天則此二器皆古聖人之制作也但學者失其用尔說者乃云始自張衡今攷其事張乃巧述其法而揆之非始造者也虞喜又云落下闳為 **漢** **武帝**於地中轉渾天定時修大初曆又知此在張平子前也 **後** **漢**左中郎將賈逵以永元十五年造黃道儀張衡以延熹七年更造銅儀以四方為度於密室中以漏水轉之令伺者閉戶而唱以告司天者云璿璣所加今沒皆如合符契其後 **吳** **王**蕃修之如陸績及後 **魏** **大** **史**令晁崇 **隋** **河** **間** **劉** **焯**皆修渾儀之法李淳風因為遊儀蓋與靈憲同也

地理門

地理

總叙

凡民函五常之性而其剛柔緩急音聲不同繫水土之風氣故謂之風好惡取舍動靜亡常隨君上之情欲故謂之俗孔子曰移風易俗莫善於樂言聖王在上統理人倫必移其本而易其末此混同天下壹之乎中和然後王教成也漢承百王之末國土變改民人迁徙成帝時劉向略言其地分丞相張禹使屬潁川朱贛修其風俗猶未宣究故輯而論之終其本末著于篇

後漢郡國志漢書地理志記天下郡縣本末及山川奇異風俗所由至矣今但錄中興以來郡縣改異及春秋三史會同征伐地名以為郡國志凡前志有縣名今所不載者皆世祖所并省也前无今有者後所置也凡縣名先書者郡所治也 **晉地理志**元胎无象太素流形對越在天以為元首及夫燧人鑽火庖犧出震黃帝之 **真** 崑崙高陽

任地依神帝嚳順天行義東踰蟠木西濟流沙北至幽陵南抚交阯禹平水土以為九州表提類而分區宇判山河而考疆域冀北創井部之名燕齊起幽營之號則書所謂肇十有一州封十有二山者也 **魏** 因无所損益周武克商自豐相錫成王改作禹貢徐梁入于青雍冀野析於幽并職方掌天下之士以周厥利保章辨九州之野皆有分星始皇初并天下分為三十六郡又置閩中南海桂林象郡凡四十郡郡一守焉其地則西臨洮而北沙漠東縈西帶皆臨大海漢祖龍興葦秦之弊分內史為三部更置郡國二十有三文增厥九景加其四武帝開越攘胡初置十七拓土分疆又增早四昭帝少事又增其一至平帝元始二年凡新置郡國七十有一与秦四十合一百一十有一南置交阯北有朔方凡為十三部光武投戈之歲郡國蕭條并省者八建武十一年省州牧復為刺史員十三人各掌一州明帝置一章帝置二和順改作其名有九省朔方刺史合之於司隸凡十三部而郡國百有八焉相靈頗增於前復置六郡魏武定霸三方鼎立生靈版蕩關洛荒蕪所置者十二所省者七而文帝置七明及少

帝增二得漢郡者五十四焉蜀先主初置郡九後主增二得漢郡者
十有一焉吳主初置郡五少帝景帝各四歸命侯亦置十有二郡得
漢郡者十有八焉晉武帝太康元年既平孫氏凡增置郡國二十有
三省司隸置司州別立梁秦寧平四州仍吳之廣州凡九州郡國
一百七十三以爲冠帶之國尺有躬周之士然則星象麗天山河紀
地端掖裁其弘敞峻幽判其都邑仰觀俯察万物攸歸是以洛汜成
陽宛然秦漢河西同知堯禹于茲新邑宅是鎬京五尺童子皆能口
誦者史官弗之書也隋書地理志自古聖王受命上膺躔次下裂山河
分疆畫界建都錫社放勳御歷修職貢者九州文命會同執王島者
萬國殷迂夏鼎周黜殷命質文之用不同損益之徒或革分土惟三
列爵惟五千里以制甸服以別要荒十國爲連連有帥倍連爲卒卒
有正所以式固鴻基蕃屏王室興邦致化康俗庇人者欽周德既衰
諸侯力政干戈日用戎馬生郊魯威於楚鄭滅於韓田氏篡齊六卿
分晉七雄競逐二帝爭雄秦始皇據百二之巖險力爭天下棄食諸
諸侯在位二十餘年遂乃削平寓內德周氏之微罷侯置守沒而區
宇幅裂漢高祖挺神武之宏圖掃清禍亂封建王侯跨州邑有踰古
典孝武務勤遠略南兼百越東定三韓通印笮之險塗斷匈奴之右
臂昭宣之後罷戰務農戶口滋多郡縣增置平帝郡國二百有二戶
一千二十三萬光武中興飢疫荐臻十纒一二乃併省郡縣四百餘
所明章之後漸至滋繁郡縣之數有加曩日三國爭強兵革屢興戶
口減半晉太康之後文軌方同大抵編戶二百六十餘萬尋而五胡
逆亂二帝播遷東晉泊于宋齊僻陋江左符姚之與劉石切據中原
梁武奄有舊吳有州二十三郡三百五十縣千二十二開拓闢越克
復淮浦平俚洞破牂牁大同中州一百七郡縣亦稱於此陳氏土宇
彌廢西亡蜀漢北喪淮肥州有四十二郡唯一百九縣四百三十八
戶六十万後齊天保末州九十有七郡一百六十縣一千一百二十
四高祖受終惟新朝政太凡郡一百九十縣一千二百三十五戶八
百九十万七千五百四十六口四千六百一十九千九百五十六東
西九千三百里南北万四千八百一十五里東南皆至於海西至且
末北至五原隋氏之盛極於此也隋書地理志自秦變古王制亡始郡

縣天下更漢晉分裂為南北至隋滅陳天下始合為一乃改州為郡
依漢制置太守以司隸刺史相統治為郡一百九十縣一千二百五
十五戶八百九十萬七千五百三十六口四千六百一十九千九百
五十六其地東西九千三百里南北一萬四千八百一十五里東南
皆至海西至且末北至五原唐因高祖改郡為州太守為刺史又置
都督府以治之然天下初定權置州郡頗多太宗始命併省又因山
川形便分天下為十道一關內二河南三河東四河北五山南六隴
右七淮南八江南九劍南十嶺南至十二年定簿凡州府三百五十
八縣一千五百五十一平高昌增州二縣六後北殄突厥頡利西平
高昌北踰陰山西抵大漢其地東極海西至焉耆南盡林州南境北
接薛延陀界東西九千五百一十一里南北一萬六千九百一十八
里景雲二年分天下郡縣置二十四都督府以統之既而不便罷之
開元二十一年又因十道分山南江南為東西道增置黔中道及京
畿都畿置十五採訪使檢察如漢刺史之職李唐之盛時開元天寶
之際東至安東西至安西南至日南北至單于府南北如漢之盛東

不及而西過之開元二十八年戶部帳凡郡府三百二十有八縣千
五百七十二戶八百四十二萬二千八百七十一口四千八百一十
四萬三千六百九隋唐地理之廣狹戶口盈耗與其州縣發置其盛
衰治亂因亡可以見矣蓋自古為天下者務廣德而不務廣地德不
足矣地雖廣莫能守也嗚呼極盛必衰雖曰勢使之然而殆忽驕滿
常因盛天可不戒哉

五代職方考

自三代以上莫不分土而治也自

秦漢以來為國孰與三代長短及其亡也或无地以自存焉蓋得其
要則雖万国而治失其所守則雖一天下不能以容唐之盛時雖名
天下為十道而其勢未分既其衰也置軍節度號為方鎮之大者
連州十餘小者猶兼三四故其兵驕則逐帥帥美則叛上土地為其
世有魏博傳世五回共正入朝十年後亂更十世有州七成德更
二姓傳世五王承元入朝明年王庭奏反傳世六有州四盧
節更三姓傳世五劉統不朝六月朱克融反傳世二世有州九澤
青傳世五州十二宣武傳世四有州四章義傳三世有州三澤
路傳三世有州五滎景傳三世至程權入朝干戈起而相侵天下
十六年李全畧有之至其子同捷而滅有州四
之勢自茲而分然唐自中世多故矣其四衰救難常倚鎮兵扶持而
侵凌亂亡亦終以此豈其利害之理然哉自僖昭以來日益割裂

初温天下別為十一南有吳揚行浙錢荆高李湖馬閩王審漢劉西

有歧李茂蜀主北有燕劉仁普李克而朱氏所有七十八州以為梁

莊宗李存初起并代取幽滄有州三十五其後又取梁魏博等十有

六州合五十一州以滅梁岐王稱臣又得其州七同光破蜀已而後

失惟得秦鳳階成四州而營平二州陷于契丹其增置之州一合一百二十三州以為唐石氏石敬瑭入立獻十有六州于契丹而得蜀金

州又增置之州一合一百九州以為晉劉氏劉知之初秦鳳階成復

入于蜀隱帝時增置之州一合一百六州以為漢郭氏郭威代漢十州

入于劉旻世宗取秦鳳階成羸莫及淮南十四州廢者二合一百一

十八州以為周周末閩已先亡而在者七国自江以南二十一州為

南唐太祖開基自劍以南及山南西道四十六州為蜀六祖建

孟昶降周保自湖南北十州為楚建隆四年自浙東西十三州為吳越

太平以國三年自嶺北四十七州為南漢開寶四年自太原以

北十州為東漢太宗太平而荆歸峽三州為南平建隆

以其地歸朝合中国所有二百六十八州而軍不在焉自唐有方鎮

而史官不錄於地理之書以謂方鎮兵戎之士非職方所掌故也然

而後世因習以軍目地而沒其州名又今置軍者徒以虛名升建為

州府之重此不可以不書也州縣凡唐故而廢於五代所置而見於

今者及縣之割隸今因之者皆宜則以備職方之考其餘嘗置而後

廢嘗改割而復舊者皆不足書小冊物俗職方之掌也五代短世无

所遷变故亦不復錄而錄其方鎮軍名以与前史互見之云

通典天下之立国宰物尚矣其畫野分疆之制自五帝始焉道德遠

覃四夷徙化即人為治不求其欲斯蓋羈縻而已寧論封域之廣狹

乎堯舜地不過數千里東漸于海西被于流沙北朔方朔南暨声教

五帝之至德也武丁成王東則江南西氏羌南荆蛮北朔方三代之

大仁也秦氏削平六国南取百越北却匈奴築塞河外地廣而亡速

戰國之酷暴也漢武滅朝鮮閩越關西南夷通西域逐北狄天

下騷然人不聊生追悔前失引咎自責下詔哀痛息戍輪臺既

危復安幸能竟悟也隋煬遂吐谷沒開通西域招來突厥征伐高麗

身穢祀絕近代殷鑒也夫天生蒸民立君司牧是以一人治天下非

以天下奉一人患在德不廣不惠地不廣秦漢之後以重斂為國
卒眾為兵強拓境為業大遠貢為德盛爭城殺人盈城爭地殺人盈
野用生人膏血易不殖土田小則天下怨咨羣盜蜂起大則殞命殲
族遺惡万代不亦謬哉則五帝三王可以師範凡言地理者多矣在
辨區域徵因革知要害察風土纖介畢書樹石无漏動盈百軸豈所
謂撮機要者乎如誕而不經徧記雜說何暇編年謂羊氏三系記世常
蒙華陽國志羅合
相中記證弘之制州記之類比自述對國並怪人取負
物益參以他書則多紕繆既非通論不服取之矣
其略焉

史志

前漢地理志論歷代分書

黃帝堯禹殷周秦漢

昔在黃帝作舟車以濟

不通旁行天下方制万里畫疆分州得百里之國万區是故易稱先王
建万国親諸侯書云協和万国此之謂也謂遭洪水粟山襄陵天下分
絕為十二州使國治之水土既平更制九州列五服任土作貢受禪於
虞為夏后氏國因於夏亡所變改國既克殷監於二代而損益之定官
分賤改禹徐梁二州合之於雍青分冀州之地以為幽并故周官有賤
方氏掌天下之地辨九州之國而保章氏掌天文以星土辨九州之地
所封之域皆有分星以視吉凶周爵五等而土三等公侯百里伯七十
里子男五十里不滿為附庸蓋千八百國而大昊黃帝之後唐虞侯伯
猶存帝王圖籍相踵而可知周室既衰禮樂征伐自諸侯出轉相吞滅
數百年間列國耗尽至春秋時尚有數十國五伯迭興總其盟會陵夷
至於戰國天下分而為七合從連衡經數十年謂遂并兼四海以為周
制微弱終為諸侯所喪故不立尺土之封分天下為郡縣邊城前聖之
苗裔靡有孑遺者矣謂因秦制度崇恩德行簡易以撫海內至武帝
攘卻胡越開地斥境南置交趾北置朔方之州兼徐梁幽并夏周之制
改雍曰涼改梁曰益凡十三部置刺史先王之迹既遠地名又數改易
是以采獲舊聞考迹詩書推表山川以綴禹貢周官春秋下及戰國秦
漢焉

後漢地理志論歷代封疆

里數廣狹戶口豐耗

自天地開闢未有疆界

神農之王天下也東西九十万南北八十五万里謂受命始作舟車
以濟不通乃推分星次以定律度謂受定其地北至幽陵南暨交趾

西蹈流沙東極蟠木日月所照莫不底焉建万国而制九州至商遭洪
水分爲十二州及周平水土還爲九州九州之地凡二千四百二十萬
八千二十四頃定墾者九百一十萬八千二十四頃民口千三百五十
五萬三千九百二十三人塗山之會執玉帛有万国山海經稱禹使大
章步自東極至于西垂二億三萬三千五百里又使豎亥步南極北尺
千比垂二億三萬三千五百出銅之山四百六十七出鐵之山三千六
百九以供財用故家有三十年之積私家有九年之儲以康中興乃復
禹迹至桀行暴諸侯相兼逮湯受命其能存者三千餘國方於塗山十
損其七又遭紂亂至周克商制五等之封凡千七百七十三國又滅湯
時千三百矣及周公相成王致治刑錯民口千二百七十一萬四千九
百二十三人多禹十六萬一十人周之極盛也其後平王東遷諸侯相
并當春秋時尚有千二百國二百四十二年之中殺君三十六亡國五
十二至于戰國存者十餘於是從橫短長之說相奪於時殘民詐力之
兵動以萬計故幄有匹馬之禍宋有易子之急晉陽之國縣金而炊長
平之戰血流漂鹵周之列國唯有燕衛秦楚而齊及三晉皆以篡亂

卷之二十一

七

而面稱王衛雖得存不絕若綫然考蘇張之說計秦及山東六國戎卒
尚存五百餘萬惟民口數尚當千餘萬及秦兼諸侯置三十六郡其所
殺傷三分居二猶以餘力行參夷之刑收太半之賦北築長城四十餘
萬南戍五嶺五十餘萬阿房驪山七十餘萬十餘年間百姓死沒相踵
於路陳項又肆其餘烈故新安之坑二十餘萬彭城之戰雖水不流至
漢定天下民之死傷亦數百萬是以平城之卒不過二十萬方之六
國五損其二自秦惠至文景與民休息六十餘歲民衆大增是以大倉
有不食之粟都內有朽貫之錢武帝乘其資畜軍征三十餘歲地廣萬
里天下之衆亦減半矣霍光秉政乃務省役至于昭平六世相承雖時
征行不足大害民戶又息元始二年郡國百三縣邑千四百八十七地東
西九千三百二里南北方三千三百六十八里定墾田八百二十七萬
五百三十六頃民戶千三百二十三萬三千六百一十二口五千九百
一十九萬四千九百七十八人多周成王四千五百四十八萬五千五
人漢之極盛也至光武中興百姓虛耗十有二三存中元二年民戶四百
二十七萬千六百三十四口二千一百萬七千八百二十人永平建

之際天下無事務在養民迄于**堯**和民戶滋殖及孝安永初元初之日
兵飢之苦**堯**頻增於前永壽二年戶千六百七十九百六口五十六
萬六千八百五十六**漢**即位董卓亂興平建安之際海內凶荒陝津
之難以箕撮指安邑之東石炭不完**魏**刻平**大帝**受禪人衆之損亦
有一存景元四年與蜀通計民戶九十四萬三千四百二十三正始五
年朱照所上吳之所領兵戶凡十三萬二千推其民數不能多蜀矣自
禹至今二千餘載六代損益備於茲焉劉昭按謚記云春秋時有十二
百國未知所出班固云周爵五土三蓋千八百國數百年間耗盡至春
秋時尚有數十皇清用謚後漢志注

晉地理志論歷代封疆地理之數封爵之等昔**大禹**觀於濁河而受綠

字襄瀛之內可得而言也天有七星地有七表天有四維地有四瀆八
紘之外名為八極地不足東南天不足西北八極之廣東西二億三萬
一千三百里南北二億三萬一千三百里自地至天半八極之數自下
亦如之昔黃帝令豎亥步自東極至于西極五億十萬九千八百八步
史臣按凡周天積百七十九百一十三里徑三十五萬六千九百七十

六十五

里所謂南北為經東西為緯天有十二次日月之所躔地有十二辰王
侯之所國也或因生得姓因功命土祔西燕齊在平茲城昔**黃帝**旁行
天下方制万里得百里之國萬區則周易所謂首出庶物萬國咸寧者
也昔在**周**叶和萬邦制八家為鄰三鄰為朋三朋為里五里為邑十
邑為都十都為師州十有二師焉**夏**東漸于海西被于流沙南浮
于江而朔南暨聲教窮豎亥所步莫不率俾會羣臣於塗山執玉帛者
萬國於是九州之內作為九服夏德中微遇有窮之亂**少康**中興不失
舊物自孔甲之後以至於桀諸侯相兼其能存者二千餘國方於山
十損其七矣**湯**敗桀於焦遷鼎于亳伊摯仲虺之徒大明憲典王者
之制爵祿公侯伯子男凡五等凡四海之內九州之萬千里**周**歸豐
監於二代設爵惟五分土惟三封同姓五十餘國**周公**康叔建於魯衛
各數百里太公封於齊表東海者也凡一千八百國布列於五千里內
而太昊黃帝之後唐虞侯伯猶存于時治致太平政稱刑措民口千三
百七十一萬四千九百三十三蓋周之盛者也

州郡論歷代封疆

郡曰疆理廣狹不同

昔黃帝方制天下立為萬

少皞氏衰制度無聞顓臾所建帝受之創制九州統領萬國堯遭洪

水天下分絕使禹平水土還為九州舜分為十二州夏氏革命為九州

塗山之會方國四百年間速相兼并殷湯受命其能存者三千餘國亦

為九州分統天下周初尚有千八百國分天下為九畿方千里王曰畿

其外曰侯畿甸畿男畿采畿衛畿蠻畿夷畿鎮畿藩畿成王時九州

屬職方氏其後相并有千二百國平王東遷見於春秋百有七十國蠻

夷戎狄不在其數及周之末唯有七國秦制天下為四十郡漢興加置

郡國為十三州部刺史京平新置郡國六十三與秦四十合百三縣邑

千三百一十四道三十二侯國二百四十一地東西九千三百二里南

北万三千三百六十八里此漢之極盛也後漢光武併省郡國十縣道

侯四百餘所其後亦為十三州部至靈獻凡百有五縣道侯國千一百

八十四履之盛亦如前漢魏據中原有州十二有郡國六十八東自廣

陵壽春合肥沔口西陽襄陽重兵以備吳西自隴西南安祈山陳倉重

兵以備蜀蜀主全制巴蜀置益梁二州有郡二十二吳北據江南盡海

置交廣荆郢揚五州有郡四十有三晉武帝平吳分為十九州郭增置

郡國二十有二凡州百五十有六縣千一百有九永嘉南渡九州之地

有其二焉宋武帝盡得河南之地尋為赫連所陷以孝武大明為正凡

二十有二州郡凡二百三十有八縣千一百七十有九齊氏因宋代州

二十有三郡三百九十有五縣千四百七十有四其後頗為後魏所侵

失壽春魏州二十有三郡三百五十縣千二十有五其後更有折置州

百有七郡縣亦稱於此陳土宇弥蹙西不得蜀漢北失淮肥以長江

為境有州四十有二郡百有九縣四百三十有八宣帝頻年北伐累捷

盡復淮南之地更經略淮北旋為周師所敗江北盡沒于周後魏起自

北方孝文帝洛陽兼得淮西之地後分為東西按舊史管州百十有一

郡五百十有九縣千三百五十有二北齊後主武平中陳軍夾侵盡失

淮南之地自東西魏之後天下三分梁陳有江東宇文有關西高氏據

河北有州九十有七郡百六十縣三百六十七有五周文帝疆理西有姑

臧西南有全蜀南至于江通計州二百十有二郡五百八縣千二十七

四隋文帝廢諸郡以州治人尋以戶口滋多置州縣既而併省

置州縣既而併省

改州為郡置司隸刺史分部巡察更置四部大凡郡百九十縣千
五十五東西九千三百里南北萬四千八百一十五里東南皆至一
西至且未北至五原隋氏之盛極於此唐武德初改郡為州太守為
史其邊鎮及襟帶之地置摠管府以領軍戎七年改摠管府為都督府
貞觀初并省州縣分為十道一關內道二河南道三河東道四河北道
五山南道六隴右道七淮南道八江西道九劔南道十嶺南道高宗平
高麗百濟得海東數千餘里開四鎮景雲二年分置二十四都督府分
統諸州時議以權重不便尋罷之開元二十一年分為十五道置採訪
使以檢察非法又於邊境置節度經略使武遏四夷凡鎮兵四十九萬
人戎馬八萬餘疋每歲經費衣賜則千二十萬疋段軍倉則百九十九
石大凡千二百十萬天寔初又改州為郡刺史為太守大凡郡府三百
二十八縣千五百七十有三羈縻州郡不在其中其地東至單于都督
府南北如前漢之盛東則不及西則過之

分類

諸國分極 十二國九州之分野

史志 秦地於天官東井輿鬼之分極自井十度至柳三度謂之鶉首之

次秦之分也 **魏**地甯觜參之分野也 **周**地柳七星張之分野也自

柳三度至張十二度謂之鶉火之次周之分也 **韓**地角元氏之分野

也自東井六度至元六度謂之壽星之次鄭之分野與**魯**同分 **趙**地

昂畢之分極 **燕**地尾箕分極自危四度至斗六度謂之析木之次燕

之分也 **齊**地虛危之分極也 **魯**地奎婁之分極也 **宋**地房心之

分極也 **衛**地營室東壁之分極也 **魏**地翼軫之分極也 **吳**地斗

分極也 **粵**地牽牛婺女之分極也 前地理志 周禮職方氏正西曰**雍**

州上當天文自東井十度至柳八度為鶉首於辰在未得秦之分野

梁於天官上應參之宿 **豫**於禹貢為荊州之地其在天官自氏

五度至尾九度為大火於辰在卯宋之分野屬豫州自柳九度至張十

六度為鶉火於辰在午周之分野屬二河則河南淮之星次亦豫州之

域 **兗**於禹貢為濟河之地其於天官自軫十二度至氏四度為壽

星於辰在鄭之分野 張十六度為鶉火屬**三**內則河內河東也淮

之星次本皆**梁**之域 周禮職方氏正東曰**青**其在天官自

八度至危十五度為玄枵於辰在子齊之分野 **揚**於禹貢

之地在天官自斗十二度至須女七度為星紀於辰在丑吳越得野尚書荆及衡陽惟荆上當天文自張十七度至軫十一度首於辰在巳楚之分野隋地理志

郡國風俗 十二國九州習俗不同

史記秦東自弘農故關以西京兆扶風馮翊北地上郡西河安定天水隴西南有巴蜀廣漢犍為武都西有金城武威張掖酒泉敦煌西南有牂柯越雋益州皆宜屬焉秦之先曰柏益堯時助禹治水為舜朕虞賜姓嬴氏至周有造父善馭穆王封于趙城後有非子為周孝主養馬汧渭之間迺封為附庸邑之子秦至孫氏為莊公破西戎有其地子襄公列為諸侯後八世穆公稱伯十餘世孝公用商君制轅田開阡陌東雄諸侯子惠公初稱王孫昭王開巴蜀滅周取九鼎昭王曾孫政并六國稱皇帝秦地禹貢時跨雍梁二州詩風兼秦函兩國昔后稷封豳公劉處豳大王徙郊文王作鄴武王治鎬其民有先主遺風好稼穡務本業文選詩言農桑衣食之本其備有鄠杜竹林南山檀柘號稱陸海為九州膏腴漢興都長安徙齊諸田楚昭屈景及諸功臣家於長陵彊縣弱枝非獨為奉山園也是故五方雜厝風俗不純其世家則好礼文富人則商賈為利豪傑則游俠通姦漢興六郡良家子選給羽林期門以材力為官名將多出焉自武威以西本匈奴昆邪王休屠王地武帝時攘之初置四郡以通西域南絕南羌匈奴地廣民稀水少宜畜牧故涼州之畜為天下饒保邊塞二千石治之咸以兵馬為務其俗風雨時節穀糴常賤少盜賊有和氣之應賢於內郡此政寬得吏不苛刻之所致也巴蜀廣漢本南夷秦并以為郡土地肥美有江水沃野山林竹木跡食果實之饒民食稻魚土凶年憂俗不愁苦而輕易淫泆柔弱褊阨景武間文翁為蜀守教民讀書言法令未能篤信道德反以好文刺譏貴莫權執及司馬相如游宦京師諸侯以文飾顯於世鄉黨慕循其迹後有王褒嚴遵揚雄之徒文章冠天下絲文翁倡其教相如為之師武都地雜氏羌及犍為牂柯越雋皆西南外夷武帝初開置民俗略與巴蜀同而武都近天水俗頗似焉故秦地天下三分之一而人眾不過什三然量其富居什六其札觀樂為之歌秦曰此夏声夫能夏則大也其周其東自高陵以東河內南有陳留及汝南之乃長陵彊縣新

平潁川之葬陽郟許雋陵河南之開封中牟陽武酸棗卷也

內本殷之舊都周公其歲內為三國邶庸衛是也吳禮聘魯衛

邶庸衛之歌曰美哉淵乎吾聞康叔之德如是是其衛風乎康叔之

既歆而紂之化猶存故俗剛姜多豪傑復奪薄恩礼好生分河東土地

平易有監鐵之饒本唐堯所居詩風唐魏之國也參為晉星其民有先

王遺教君子深思小人儉陋在晉之南河曲自唐叔十六世至獻公滅

魏以封大夫畢萬滅耿以封大夫趙夙及韓武子食菜於韓原始有河

內之士文公後十六世為韓魏趙所滅三家皆自立為諸侯是為三晉

自畢萬後世稱侯至孫稱王徒都大梁七世為秦所滅周今之河南維

陽穀成平陰偃師鞏緱氏是其分也昔周公營雒邑以為在於土中諸

侯蕃屏四方故立京師至平王東居維也其後五伯更帥諸侯以尊王

室故周於三代最為長久八百餘年至於王報乃為秦所兼初雒邑與

宗周通封畿韋昭曰通在二封之地共千里也師古曰宗周京高東西長

而南北短二長相覆為千里至襄王以河內賜晉文公又為諸侯所侵

其分隳小周人之失巧偽趨利貴財賤義高富下貧寡為商賈不好仕

官韓公晉得南陽郡及潁川之父城定陵襄城潁陽長社陽翟郟

東接汝南西接弘農得新安宜陽皆韓分也陳鄭之國與韓同星分焉

鄭國今河南之新鄭本高辛氏火正祝融之虛也及成皐於湯潁川之

崇高陽城皆鄭分也本周宣王弟友食采於宗周畿內是為鄭桓公問

於史伯曰王室多故何所逃死史伯曰其濟洛河潁之間乎幽王敗桓

公死其子武公與平王東遷立定號會之地右維左沛食漆洧焉二隄

之險山居谷汲男女亟聚會故其俗淫注自武公後二十三世為韓所滅

陳國今淮陽之地本太昊之虛周武王封鳩滿於陳是為胡公妻以元

女大姬婦人尊貴好祭祀用史巫故其俗巫鬼自胡公後二十三世亦

為楚所滅潁川南陽本夏禹之國韓自武子後七世稱侯六世稱王五

世而為秦所滅秦既滅韓徙天下不軌之民於南陽故其俗夸奢上氣

力好商賈漁獵藏匿難制御也死西通武關東受江淮一都之會也趙

分晉得趙國北有信都真定常山中山又得涿郡之高陽鄭州鄉東

廣平鉅鹿清河河間又得渤海郡之東平舒中也五安東州也

河以北也南至浮水繁陽內黃并丘西有大原定襄云中也

黨木韓之別郡也遠韓近趙後卒降趙皆趙分也自趙風後

四世敬侯徙都邯鄲至曾孫武靈王稱王五世為秦所滅北通燕

有鄭衛漳河之間一都會也其土廣俗雜大率精急高氣執輕為

與號為難治常擇嚴猛之將或任殺伐為威父兄被誅子弟必憤至告

訐刺史二千石晉時已患其剽悍故冀州之部盜賊常為心劇於天

文別况燕國地尾其分樹也武王封召公於燕其後三十六世與六國

俱稱王東有漁陽右北平遼西遼東西有上谷代郡鴈門南北涿郡之

易容城范陽北新城故安涿縣良鄉新昌及渤海之安次皆燕分也樂

浪玄菟亦宜况焉燕稱王十世秦滅燕南通齊趙勃碣之間一都會

也殷道衰箕子去之朝鮮教民以禮義田蠶織作樂浪朝鮮民犯禁八

條樂浪海中有倭人分為百餘國以歲時來獻國東有淄川東萊

瑯邪高密膠東南有泰山城陽地有千乘清河以南渤海之高樂高城

重合陽信西有濟南平原皆齊分也周成王封師尚父是為太公後十

四世相公用管仲設輕重以富國合諸侯成伯功昔太公始封周公問

何以治齊太公曰率賢而上功周公曰後世必有慕私之臣其後二十

九世為姜呂田知所滅而自立為齊侯至威王稱王五世為秦所滅

臨淄海岱之間一都會也國東至東海南有泗水至淮得臨淮之不相

睢陵僮取慮皆魯分也周因以少昊之虛曲阜封周公子伯禽為魯侯

其民有聖人之教化孔子閔王道將廢過修六經以述唐虞三代之道

弟子受業而通者七十有七人其民好孝上禮義重廉耻周公始封太

公問何以治魯周公曰尊而親二太公曰後世其滯弱矣故自文公以

後祿去公室政在大夫季氏逐昭公陵夷微弱三十四世而為楚所滅

然本大國故自為分樹去去聖久遠周公遺化稍微孔氏序序衰壞地

陋民衆頗有桑麻之業云林澤之饒俗儉嗇愛財趨商賈好貨毀多巧

偽喪祭之禮文備實然其好孝備愈於它俗漢興以來魚東海多至卿

相宋今之沛梁楚山陽濟陰東平及東郡之須昌壽張皆宋分也周封

微子于宋今之睢陽是也本陶唐氏火正關伯之虛也濟陰定陶詩風

曹國也武王封弟叔振鐸於曹其後稍大得山陽陳留二十餘世也

所滅宋自微子二十餘世至景公滅曹後五世亦為齊楚魏其地魏得其梁陳留齊得其濟陰東平楚得其沛故今之

也今之東郡及魏郡黎陽河內之野王朝歌皆衛分也

文公徙封楚丘三十餘年子成公徙於帝丘今之濮陽是也本

虛成公後十餘世為韓魏所侵獨有濮陽後秦滅濮陽置東郡

天下猶獨置衛君二世乃廢為庶人凡四十世九百年最後絕周末有

子路夏育民人慕之故其俗剛武上氣力漢興二千石治者亦以殺戮

為威宣帝時韓延壽為東郡太守崇禮義至今東郡號書為吏延壽之

化也楚今之南郡江夏零陵桂陽武陵長沙及汝中汝南郡及楚分也

周成王封文武先師鬻熊之曾孫熊繹於荆亦與為楚子居丹陽後十餘

年至熊達是為武王後五世至顯王總率諸侯觀兵周室并吞江漢之

間內滅陳魯之國後十餘世項襄王東徙于陳楚有江漢川澤山林之

饒江南地廣或火耕水耨民食魚稻以漁獵山伐為業果蔬羸蛤食物

常足故皆氣愉生而亡積聚信巫神童淫祀而漢中淫泆枝柱与巴蜀

同俗江陵故郢都西通巫巴東有雲夢之饒亦一都會也吳今之會稽

九江丹陽豫章廬江廣陵六安臨淮郡及吳分也太伯仲雍銜行采藥

遂奔荆蛮號曰句吳仲雍曾孫周章武王封為北吳後世謂之虞十二

世為晉所滅後二世而荆亦與之吳子壽夢盛大稱王自太伯壽夢稱王

六世闔廬卒與伯名於諸侯至子夫差為粵主句踐所滅吳粵之君皆

好勇故其民至今好用劍輕死易發吳東有海鹽章山之銅三江五湖

之利亦江東之一都會也吳今之蒼梧鬱林合浦交趾九真南海日南

皆與分也少康庶子封於會稽文身斷髮以避蛟龍之害後二十世至

句踐稱王滅吳兼并其地度淮与齊晉諸侯會致負於周之元王使

賜命為伯諸侯畢賀後五世為楚所滅後十世至閩君搖佐諸侯平秦

漢興復立搖為粵王秦南海尉趙佗亦自王傳國至武帝時尽滅以為

郡番禺其一都會也自合浦徐聞南入海得大州東西南北方千里武

帝元封元年略以為儋耳珠崖郡元帝時遂罷弃之前地理志雍州化

於相德則開田而與讓習於羸弊則相稽而反唇京兆王都所在俗具

五方人物混淆華戎雜錯去農從商爭朝夕之利游手為事競錐刀之

末貴者崇侈靡賤者薄仁義豪強者縱橫負竇者窮處桴鼓不禁此古今所同周周時以併雍部及漢又析置益州自

諸郡皆其封城漢中之人質朴无聞不湛趨利性嗜口腹

郡其地四塞山川重阻水陸所湊貨殖以萃蓋一都會也

成三分之業金行喪亂李氏據之於前誰氏依之於後梁氏

巖險而取敗後周之末王謙負固而速禍孟門不祀古人所誠

漢中不別其人敏慧輕急貌多最陋煩慕文孝人多工巧綾錦彫鏤之

妙其如家室則女勤作業士多自閑屬三河洛陽得士之中賦貢

所均其俗尚尚賈機巧成俗舊傳大少唐叔之教周孔遺風其人

多好儒孝性質直懷義有古之風烈人多敦厚務農桑尚儒孝而

傷於遲重前代稱冀幽之士鈍如推蓋取此焉俗重氣俠好結朋黨其

相赴死生亦出於仁義沒時風俗亦侈秦織作冰純綺綉純麗之

物號為冠帶衣履天下士庶不矜于功名闊達多智志度舒緩其失夸

奢朋黨言行謬江南之俗火耕水耨食魚與稻以漁獵為業雖无

蓄積亦无飢改信鬼神好淫祀父子異居風俗物產頗同揚州其

人悍決烈敬鬼重祀隋地理志

通典古雍州之地穀田上上鄠杜之饒號稱陸海四塞為固彼山

帶河秦氏資之遂平海內漢初高帝納婁敬說而都焉又徙齊諸田楚

昭屈景燕趙韓魏之後及豪族名家於門中強本抑末以制天下自是

每因諸帝山陵則遷戶立縣率以為常故五方錯雜風俗不一漢朝京

輔稱為難理其安定彭原之北汧陽天水之西接近胡戎多尚武節自

東漢魏晉羗屢擾旋則苻姚迭拘五梁更亂三百餘祀戰爭方息帝都

所在是日浩穰其餘郡縣習俗如舊巴蜀之人少愁苦而輕易

淫佚周初從武王勝彭濮人是也東遷之後楚子強大而役禹之

暨于戰國又為秦有資其財力國以豐贍漢景帝時文翁為蜀郡守建

立學校自是蜀士多者比齊魯焉土肥沃无凶歲山重復四塞險固王

政微缺跋扈先起公孫述劉倫李雄故一方之寄非親賢勿居

荆河荆河之間四方輻輳故周人善賈趨利而織齊韓國分野亦有

險阻蘇秦謂韓宣王曰韓北有鞏成臯之固西有自東漢魏晉宅於洛

陽永嘉以後戰爭不息元魏徙居纒過三紀自西晉永嘉五年劉曜陷

十九年經百八十七年遷都至永寧三年又經三十九年分為東西魏逮乎二魏爰及齊周河洛

為攻守夫士中風雨所交宜乎建都立社均天下之漕

獻不恃隘害務修德刑則十代之期可延久也

壇城尤廣山東之人性緩尚儒仗氣任俠而鄴郡高齊國魏社君世威為鄴郡人成必

山西上瘠其人勤儉而河東魏晉以降文多盛興魏晉文多盛興

閩井之間習於程法并州近狄俗尚武藝左右山河古稱重鎮魏晉文多盛興

代天寄任之者必文武兼資焉古齊州兖州舊疆東于河洛地非險

固風雜救國衛魏宋齊趙秦漢以降政理混同人情朴厚俗有儒孝西

晉之未為戰爭之地三百年間傷痍徧甚自宇內平一又如近古之風

焉古齊州青州古齊號稱強國已資山海擅利塩鐵大公用之而富人

管仲資之而興霸人情變詠好行械術豈因輕重而為弊乎固知導人

之方先務推以誠言遠於漢氏封立近戚漢何田昔論高帝曰文并東有

國西上有蜀河之陽北有勃海之州玄武王臨極儒雅盛興晉東之後倫

沒僭偽慕容建国五代而亡今古風俗頗革亦有文孝自國初立都督

府命親王鎮之後漢氏之制信可取也古徐州徐方鄒魯舊國漢與猶

有儒風自五胡亂華天下分裂分居二境尤被傷殘彭城要害藩提南

國必爭之地常置重兵數百年中无復講誦况今去聖又遠人情迂蕩

大抵徐充其俗略同古揚州揚州人性輕揚而尚鬼好祀每王綱解紐

宇內分崩江淮濱海地非形勢得之与失未必輕重故不暇先爭然長

淮大江皆不可守吳晉宋齊梁陳皆皆閩越設阻併在一隅馮山

難以德撫永嘉之後帝室東迁衣冠違難多所萃止藝文儒術斯之為

盛今雖閭閻賤品効力役之際吟詠不輟蓋因顏謝徐庾之風扇焉古

荆楚荆楚風俗略同揚州雜以亦夷率多勁悍南朝鼎立皆為重鎮然

兵強財富地逼勢危稱兵跋扈无代不有是以上游之寄必詳擇其人

焉古南越五嶺之南人雜夷獠不知教義以富為雄珠崖環海尤難賓

伏是以漢室嘗罷弃之大抵南方遐阻人強吏懦豪富並并役屬貧弱

浮掠不忌古今是同其性輕悍易與迷節爰自前代及于國朝多委舊

德重臣抚寧其地

司州總治齊分畫併省不同

史志司州按禹貢豫州之地及漢文帝初置司隸校尉及光武都洛陽

司隸所部与前漢不異魏氏受禪即都漢官司隸所部合五郡置

晉仍居魏都遂定名司州以司隸校尉統之禹貢洛河

十二牧則其一也周礼河東曰兖州春秋元命包云

端也信也又云取充水以名焉漢武帝置十三州以舊不改

不改謂舊名不改禹貢為荆河之地周禮河南曰豫州豫者舒也言直也

氣性堪安舒也春秋元命包云鉤鈐星別為豫州武帝置十三州

舊名不改謂舊名不改禹貢周禮並為河內之地舜置十二牧則其一也春秋

元命包去昂畢散為冀州分為趙國其地有險有易帝王所都亂則冀

安弱則冀疆荒則冀豐以冀州南北闊大分衛以西為并州燕以北為

幽州周人因及漢武帝置十三州以其地依舊名為冀州歷後漢至

晉不改謂舊名不改禹貢冀州之域舜置十二牧則其一也周禮東北曰幽州

春秋元命包云箕星散為幽州分為燕國言北方大陰故以幽宜為號

武王定殷封召公於燕其後與六國俱稱王漢武置十三州幽州依舊

名不改謂舊名不改平州禹貢冀州之域於周為幽州界後漢末公孫度自號平州

牧魏置東夷校尉居襄平分五郡為平州後魏合為幽州平州禹貢冀

州之域舜置十二牧則其一也周禮正北曰并州其鎮曰恒山春秋元

命包云營室流於并州分為衛國州不以衛水為號又不以恒山為稱

而云并者以其在兩谷之間也漢武帝置十三州并州依舊名不改後

漢建武十一年省朔方入并州雍州禹貢黑水西河之地舜置十二牧

則其一也以其四山之地故以雍名焉亦謂西北之位陽所不及滻陽

氣雍闕也周禮西曰雍州蓋并禹梁州之地周自武王剋殷都於豐鎬

雍州為王歲及平王東遷洛邑以歧豐之地賜秦襄公則為秦地更世

都之至始皇遂平六國秦滅漢又都之及武帝置十三州其地以西徧

為涼州涼州禹貢雍州之西界漢改周之雍州為梁州蓋以地處西方

常寒涼也梁州禹貢華陽黑水之地舜置十二牧則其一也梁者言西

方金剛之氣疆梁故因名焉周禮方氏以梁并雍漢不立州名以其

地為益州益州禹貢及舜十二牧俱為梁州之域周合梁於雍又為雍

州之地春秋元命包去參伐流為益州益之為言阨也言所在險阨也

亦曰疆壤益大故以名焉始秦惠王滅蜀置郡以張若為蜀守及始皇

置三十六郡蜀郡之名不改漢初有漢中巴蜀高祖六年分蜀置廣漢

凡為四郡武帝開西南夷更置犍為牂牁越雋益州四郡凡八郡

置益州統焉益州蓋始此武帝分益州置梁州以漢中為焉

置寧州寧州於漢魏為益州之域武帝以益州地廣分益

荆禹貢為海岱之地舜置十二牧則其一也舜以青州越

則遼東本為青州矣周禮正東曰青州蓋取土居少陽其色

秋元命包云虛危流為青州漢武帝置十三州因舊名歷後漢至晉

改**兗**禹貢海岱及淮之地舜置十二牧則其一也於同入青州之域夫

秋元命包云天氏流為徐州取舒緩之義或云因徐丘以立名**荆**禹

貢荆及衡陽之地舜置十二牧則其一也周禮正南曰荆州春秋元命

云軫星散為荆州荆強也言氣躁強亦曰警言南蠻數為寇逆其人

有道後服无道先強常警備也又云取名於荆山六國時其地為楚漢

漢武帝置十三州因舊名為荆州**揚**禹貢淮海之地舜置十二牧則

其一也周禮東南曰揚州春秋元命包云牽牛流為揚州分為越國以

為江南之氣躁勁厥性輕揚亦曰州界多水水波揚也於古則荒服之

國戰國時其地為楚分**廣**禹貢揚州之域秦末趙佗所據之地漢武

帝以其地為交趾郡至吳黃武五年分交州之南海蒼梧鬱林高涼曰

郡立為廣州俄復舊永安六年復分交州置廣州 地理志

史志關**西**道蓋古雍州之域漢三輔北地安定上郡及弘農隴西五原

西河雲中之境京兆華同鳳翔邠隴涇原渭武寧 廊坊丹延靈威雄

會並綏省為鶻首分麟曲豐登銀夏單于安北為實沈分商為鶻火分

內道古豫兗青徐之域漢河南弘農潁川汝南陳留沛泰山濟陰濟南

東萊齊山陽東海瑯琊北海千乘東郡及梁楚魯東晉城陽淮陽菑川

高密泗水等國暨平原渤海九江之境洛陝負河而北為寔沈分負河

而南號汝許及新鄭之地為鶻沈分鄆汴陳蔡潁為壽星分宋毫徐宿

鄆曹濮為大火分兗海沂泗為降婁分青油密登乘齊棣為孛孛分滑

為姬訾分濠為星紀分**河東**道古冀州之域漢河東太原上黨西河鴈

門代郡及鉅鹿常山趙國廣平國之地河中降晉慈隄石太原汾忻路

澤沁遼為寔沈分代雲朔蔚武新嵐憲為大梁分**河**道古幽冀

之境漢河內魏渤海清河平原常山上谷涿漁陽右北平遼西真定

山信都河間廣寧郡國又參有東郡河東上黨鉅鹿之地五懷置

魏博相之南境為姬訾分邢洛惠貝冀深趙鎮定及魏博

大梁分滄景德為玄武虜羸人之幽易涿平媯檀薊營

荆梁道古荆梁二州之域漢南郡武陵巴郡漢中南陽人江百

漢武都郡江陵峽歸夔澧即復郢襄房為鶉尾分鄧隋泌均武襄興元金洋鳳以成文扶利集壁巴蓬通開忠万涪閬果渠為鶉首

雍梁道古雍梁二州之域漢天水武都隴西金城武威張掖酒泉燉煌郡

揚州道古揚州之域漢九江廬江江夏等郡廣陵六安國及商陽汝南臨淮之境揚楚滁和廬壽舒為星紀分安黃申光蘄為鶉尾分

江南道古揚州南境漢丹陽會稽豫章廬江零陵桂陽等郡長沙國及牂柯江夏南郡地潤昇當蘇湖抗睦越明衢處發温台宣歙池

洪江饒虔吉袁信抚福建泉汀漳為星紀分岳鄂潭衡水道郴邵黔辰錦旆叙獎夷播思費南溪漆為鶉尾分

梁州道古梁州之域漢蜀郡廣漢犍為越雋益州牂柯巴郡之地摠為鶉首分

嶺南道古揚州之南境漢南海蔚林蒼梧珠崖儋耳交趾合浦九真日南等郡韶廣康端封梧藤羅雷崖以東為星紀分桂柳蔚林富昭蒙襲繡容白羅而西及安南為鶉尾分

羅漢道唐貞初未暇於四夷自太宗平突厥西北諸蕃及蠻夷稍為屬即其部落列置州縣其大者為都督刺史皆得世襲雖貢賦版籍多不上戶部然蓋教所暨皆邊州都督都護所著于令錄招降開置之目以見其盛其後或曰或叛經制不一不能詳見大凡府州

八百五十六號為羈縻云

國置羈縻諸州皆傍塞外或寓名於夷落而四夷之与中国者甚衆若將臣之所征討敕使之所慰賜宜有以記其所從出天寶中玄宗問諸蕃國遠近王忠嗣以西域圖對纒十數國其

後貞元宰相賈耽考方域道里之數最詳從邊州入四夷通譯于鴻臚者莫不畢紀其山川聚落封略遠近皆彙萃其目

河渠門
溝洫

總叙

史記河渠書太史公曰余南登庐山觀禹疏九江遂至于會稽太滄上

姑蘇望五湖東闕洛汭大邳迎河行淮泗濟漯洛渠西瞻蜀之岷離碓北自龍門至于朔方曰甚哉水之為利害也余從負薪

甄子之詩而作河渠書

史志

前漢書地理志 論大禹治水

隨山浚川功施三代 夏書禹堙洪水十三年

過家不入門陸行載車水行乘舟泥行乘堯山行則楫以別九州隨山浚川任土作貢通九道陂九澤度九山然河失之羨溢害中國也尤甚唯是為務故道河自積石歷龍門南到華陰東下底柱及盟津雒內至于大伾於是禹以為河所從來者高水湫悍難以行平地數為敗迺醜二渠以引其河北載之高地過降水至於大陸播為九河同為迎河入于勃海九川既疏九澤既陂諸夏又安功施乎三代

分類凡十四條

史起決澤水灌鄴

引水灌鄴當魏河內

史起魏文侯時西門豹為鄴令有令名至文侯曾孫襄王時與群臣飲酒王為群臣祝曰令吾臣皆知西門豹之為人臣也史起進曰魏氏之行田也以百畝鄴獨二百畝是田惡也漳水在其旁西門豹不知用是不智也知而不與是不仁也智約未知盡何足法也於是史起為鄴令遂引漳水溉鄴以富魏之河內民歌之曰鄴有賢令兮為史公決漳水兮灌鄴勞終古焉鹵兮生稻梁 前志

鄭國渠

鄭國為秦興萬世利

史志 韓聞秦之好與事欲罷之无令東伐迺使水工鄭國間說秦令鑿涇水為渠東注洛欲以溉田中作而覺秦欲殺鄭國曰始臣為間然渠成亦秦之利也臣為韓延數歲之命而為秦建萬世之功秦以為然卒使就渠成而用溉注填闕之水溉鹵之地四萬餘頃收皆畝一鍾於是關中為沃野无凶年秦以富彊卒并諸侯因名曰鄭國渠 前志

鄭當時引渭穿渠

換渭首卒肥關中地

史志 鄭當時為大司農言異時關東漕粟從渭上而渭水道九百餘里時有難處引渭穿渠起長安旁南山下至河三百餘里徑易渠下民田萬餘頃又可得溉此損漕省卒而益肥關中之地得穀上大為然令齊人水工齊伯表發卒數萬人穿漕渠三歲而通以漕大便利其後漕稍多而渠下之民頗得以溉矣 前志

嚴能龍首渠

穿洛溉重泉萬餘頃

史志 嚴能言臨晉下缺穿洛以溉重泉以東萬餘頃故也 可令畝十石以是為發卒萬人穿渠自徵引洛水至商

通行水井渠之生自此始穿得龍骨故名曰龍首渠
通猶未得其饒前志

兒寬六輔渠 益漑鄭國傍高卬之田

自鄭國渠起至元鼎六年百三十六歲而兒寬為左內史奏
鑿六輔渠以益漑鄭國傍高卬之田上曰農天下之本也泉流灌浸所
以育五穀也左右內史地名山川原其眾細民未知其利故為通溝瀆
畜陂澤所以備旱也今內史稻田租挈重不与郡同其議減令吏民勉
農盡地利平絲行水勿使失時前志

白公引涇注渭 鄭國在前白公起後

太始二年趙中大夫白公復奏穿渠引涇水注渭中袤二百里溉
田四千五百餘頃因名曰白渠民得其饒歌之曰田於何所池陽谷口
鄭國在前白渠起後舉車為雲決渠為雨涇水一石其泥數十且溉且
糞長我禾黍衣食京師億萬之口言此兩渠饒也前志

漢諸郡水利 漢武帝時水利尤多

塞匏子築宮其上名曰宣房宮而過河北則二渠復禹舊迹而梁
楚之地復寧无水災自是之後用事者爭言水利朔方西河河西酒泉
皆引河及川谷以溉田而關中輔渠靈輒如厚曰地理志曰引諸水汝
南九江引淮東海引鉅定太山下引汲水皆穿渠為溉田各萬餘頃佗
小渠披山過道者不可勝言然其著者在宣房史記河渠書

邵父杜母 邵信曰杜詩水利之饒

元帝建昭中邵信臣為南陽太守於穰縣理南六十里造鉗盧陂
累石為堤傍開六石門以節水勢澤中有鉗盧王池以為名用廣溉灌
歲歲增多至三萬頃人得其利及後漢杜詩為太守復修其業時歌之
曰前有邵父後有杜母

坊陂 王景劉義欣修孫叔敖舊陂

後漢章帝建初中王景為廬江太守郡部安豐縣有楚孫叔敖所
起坊陂先是荒廢景重修之境内豐給其陂在百十里灌田萬頃

宋文帝元嘉七年劉義欣為荆河刺史鎮壽陽今壽春郡安豐縣界于時土境荒毀百
姓離散義欣綱維補緝隨宜經理坊陂良田萬頃隄堰父壩今在
旱義欣遣諮議參軍郝肅循行脩理有舊溝引今在

坊陂後在

伐木開榛水得通徑由是遂豐稔

銀州 馬寨堡 周迴二百里

通典 順帝永和五年馬

為會稽太守始立鏡湖築塘周迴三百七

灌田九千餘頃至今人猶

利

壞陂為民利

不溢宜決澗

通典 杜元凱言諸

首皆以火耕水耨

便非不尔也然此施

於新田草萊与百姓居相離者耳往者東南也 刻人稀故得火田之
利頃來戶口增而陂堰歲決良田變生蒲葦人皆沮澤之際水陸失
放牧絕種樹木立枯皆陂之害也陂多則土薄水淺流不下潤故每有
水雨輒復橫流延及陸田言者不思其故因云此土不可陸種臣以漢
之戶口以驗今之陂處皆陸業也臣見尚書胡威啓宜壞陂及其言懇至
臣又見宋漢侯相應遵上便且求壞泗陂徙運道時下都督度支共如
當各據所見不從遵言此理之所以未及而事之所以多患也臣以為
宜發明詔敕刺史二千石漢氏舊堰及山谷私家小陂皆當脩繕以積
水其諸魏氏以來所造立及諸因雨決溢蒲葦馬陽陂之類比皆決瀝之
夫川瀆有常流地形有定躰漢氏居人衆多猶以无患今因其患而
宣瀉之跡古事以明近大理昭然朝廷從之

新豐塘

張闓止塘葛洪為頌

通典

東晉張闓為晉陵內史時所部四縣並以旱失田闓乃立曲阿新

豐塘

今丹陽郡既田八百餘頃每歲豐稔葛洪為其頌曰 徵拜大司農

裴延雋復故堰

修廢澗田為利十倍

通典

裴延雋為幽州刺史范陽郡有舊沈渠徑五十一里 范陽燕郡有故

矣諸堰廣袤三

里皆廢毀多時莫能修復水旱 多飢餓延雋

自度水形營

而成就澗田万餘頃為利十位

雷陂

南平襄稱澗田利民

通典

唐貞觀十八年 史乃引雷陂水又築句

城塘以澗田八百餘頃百

六府卿人至今賴之

諸儒考論

論水利

公曰民事

稼穡豐稼穡在乎美日

疇在乎通

澗通灌澗

塘故孫叔敖起於陂楚受其

公穿澗口

引涇水於秦谷口遂縣

河於鬼夢

朱張闢築新豐秦龍引雷陂水也

之田多八百餘頃邵公

母之惠靡不由之蓋變地力移天時也

民豐食貨莫尚乎此宋

國家頒行古制分命有司每一歲三月奉

行其政委之州公

知復陂湖通溝洫旱魃作厲則引而灌之

雨害塗盛利

令民自便不禁其時

後復三老官以勤

耕稼置常

若以禦災變上資邦計下慰民

既足民重作

法則仁義少

以階漸

自史起溉鄴田鄭國

浮冰以區

蜀修二江之利

漢興文翁穿前諛鄭當時引渭莊

引落兒寬秦鑿

公輔渠而白公注涇渭邵信臣廣鉗盧之浸自是後王景李芍陂為

築鑑湖至晉杜預疏荆充之水張闡理曲阿之塘宋人引人引可

唐疏雷陂築句城除堰過之害皆代天施長地力衣食不

家之費故三代溝澮之法替而赴時務切此不可不重也

外門史志通典治原之書卷第十五

圖書在版編目(CIP)數據

分門史志通典治原之書/佚名輯. —北京:北京圖書館出版社, 2006.6

(中華再造善本)

ISBN 7-5013-3047-6

I. 分… II. 佚… III. 典章制度—中國—宋代
IV. D691.5

中國版本圖書館CIP數據核字(2006)第013848號

ISBN 7-5013-3047-6



9 787501 330478 >

書名 分門史志通典治原之書(全十二冊)
著者 佚名輯

出版 北京圖書館出版社(100034 北京市西城區文津街七號)
發行 Tel: (010) 66151313 Fax: (010) 66174391

E-mail: Btsfxb@nlc.gov.cn

Website: www.nlcpress.com

印刷 金壇市古籍印刷廠

開本 八

印張 九五·五

版次 二〇〇六年六月第一版第一次印刷

印數 一—二〇〇

書號 ISBN 7-5013-3047-6 / K·1324

定價 三〇六〇圓

